



# Tuhagakhaq

Hivuliqti Angmaqtiqtaa Qaritauyakkut Takuyakhat qaritauyakkullu taiguagakhat

**IQALUIT, Nunavut (March 23, 2010)** - Hivuliqti Eva Aariak ublumi uqaqtuq angmaqtirininninga nutaaq qaritauyakkut takuyakhat atauhiqmilu tatqirhiunmi qaritauyakkut taiguagakhat ikayurniaqqaik Nunavunmiutat nakuuyumik naunaipkaitjutikhanginnik hulilukaarninginnik Havakvinga Hivuliqtiup.

“Uqaqatigiplugik Nunavunmiutat tamainnit nunavunmi uumunnga Qanukkanni<sup>q</sup> Mikhaanut Unipkaanga uqaffaarniq ihariagiyanganik ihuaqhaqhimayunik tuhaqtipkaitjutikhangannik unalu akhuurutauyuq hivullitigiyauyukhaq havaqutiptikni, *Tamapta/CL<sup>q</sup>C: Hivunikhaliurniq Atauttikkt.* Quviahuktunnga uqariamni havakvinga tuhaqtuq pipkailiramigulu apiriyauhimayuq angmaqtirininningannik nutaamik amigaittunut uqaqahilgiknut amihunullu tuhaqtipkaitjutayut qaritauyakkut takuyakhat, atauhiqmilu tatqirhiunmi qaritauyakkut taiguagakhaliurniq,” uqaqtuq Hivuliqti Aariak.

Tamna Hivuliqtiup qaritauyakkut takuyakhaq piinariaqiniaqtaat nutaanik tuhaagakhanik Havakvinganit Hivuliqtiup, ukuatlu Hivuliqtiup tuhaagahangit, uqaqtahangit, piksaniklu, naalaktahanginnik unalu qunngiarlugiklu. Hivuliqtiup qaritauyakkut taiguagakhaq atauhirmi tatqirhiuq taiguqaliuqhimayuq kitkut inuit piinarialik qaritauyakkut tuyuqtauluniluuniit qaritauyakkut.

“Ihuarhainiq tuhaqtipkaitjutingannik hivullitigiyauyukhaq akhuuquhugulu tamna piyara. Tahapkuallu nutaat havauhikhat, qakugunnuaq, Nunavut Kavamatkut naunaiyalirniaqtaik amigaittut aallat ihuarhainingit qanuqtut tuyuqtauhimayavut pivagavullu naunaitkutut Nunavunmiutanut,” uqaqtuq Hivuliqti Aariak.

Hivuliqti Aariak naunaiyaqtaalu ihariagiyauninninga malruuknik pitjutauninninga tuhaqtipkaitjutikhaq akhuuqutangillu inuit aallanut uqaqatigilugik ihumaliurutigiyanginnik, ihumagiyamiknik pitquyahimayanginniklu. “Uqainnarumangitaqqut Kavamakput qanuriliurninnga qanurlu ayurhautiginiaqtaat Nunavunmiutat, quviagiyaunnginnarniaqtaqqut pigiaptikni qanuqtut ihumagiyauninninga,” uqaqtuq Hivuliqti Eva Aariak.

Pulaarlugu qaritauyakkut takuyakhat Havakvinga Hivuliqtiup atiliurlutit pigiaqni qaritauyakkut taiguagakhaq uumani [www.Hivuliqti.gov.nu.ca](http://www.Hivuliqti.gov.nu.ca).

###

Emily Woods  
Tuhaagakhanik Titiraqtinga  
Havakvinganit Hivuliqti  
☎ (867) 975-5059  
✉ [ewoods@gov.nu.ca](mailto:ewoods@gov.nu.ca)

News releases are available in Inuktitut, English, Inuinnaqtun and French on  
Tuhaqtaghat ittu Inuktitut, Qablunaatitut, Inuinnaqtun Uiviititullu talvani  
Les communiqués de presse sont disponibles en inuktitut, en anglais, en inuinnaqtun et en français à:  
<http://www.gov.nu.ca>.